



DEPUTACIÓN PROVINCIAL
A CORUÑA

SERVIZO DE DESENVOLVEMENTO TERRITORIAL E TRANSICIÓN ECOLÓXICA

Referencia: PEL-EPR PREMIO / 2025

Expediente convocatoria: 2024000034335

RESOLUCIÓN POLA QUE SE AVOCA A COMPETENCIA PARA A APROBACIÓN DAS BASES REGULADORAS E SE APROBAN AS BASES E A CONVOCATORIA DO PREMIO ÁS MELLORES INICIATIVAS EMPRESARIAS DA PROVINCIA (PEL-EPR PREMIO / 2025)

Don VALENTÍN GONZÁLEZ FORMOSO, Presidente da Deputación Provincial da Coruña,

ANTECEDENTES

Por resolución número 29325, de 24 de xullo de 2023, o Presidente delegou na Xunta de Goberno entre outras: "A aprobación das bases de subvencións, cuxa competencia corresponda inicialmente ao presidente".

Tendo en conta a data da convocatoria da próxima Xunta de Goberno e considerando a urxencia de aprobar as Bases reguladoras do "Premio ás mellores iniciativas empresarias da provincia", e vistos os informes do Servizo de Desenvolvemento Territorial e Transición Ecolóxica, da Secretaría Xeral e do Servizo de Fiscalización e Control Financeiro,

RESOLVO:

Primeiro. Avocar a competencia que, con carácter xeral foi delegada por resolución número 29325, de 24 de xullo de 2023 na Xunta de Goberno, e considerando a urxencia da aprobación das Bases reguladoras do "Premio ás mellores iniciativas empresarias da provincia", que ven motivada pola necesidade de que as persoas destinatarias poidan facer as súas previsións respecto do obxecto da subvención neste programa para o exercicio 2025 coa suficiente antelación.

Segundo. Aprobar as Bases reguladoras do "Premio ás mellores iniciativas empresarias da provincia", que figuran no Anexo - Bases Reguladoras.

Terceiro. Dispoñer a publicación das bases deste programa no Boletín Oficial da Provincia da Coruña.

Cuarto. Aprobar o orzamento do premio por importe de 75.000,00 €, que se imputará á aplicación orzamentaria 0520 24100 481, documento contable RC nº de operación 220250014847.

Quinto. Aprobar a convocatoria do Premio ás mellores iniciativas empresarias da provincia, de conformidade coas bases reguladoras que figuran no Anexo - Bases Reguladoras.

O prazo de solicitude iniciárase ao día seguinte da publicación da convocatoria no Boletín Oficial da Provincia ás 09:00 horas, e finalizará ás 14:00 horas do día 16 de maio, tendo en conta que, tanto as solicitudes como o resto da tramitación do programa, realizarase por vía telemática a través da plataforma SUBTEL, accesible dende a sede electrónica da Deputación Provincial da Coruña.

Sexto. Remitir esta resolución, así como o extracto da convocatoria conforme ao Anexo – Extracto da convocatoria, á Base de Datos Nacional de Subvencións (BDNS), para a súa publicación a



DEPUTACIÓN PROVINCIAL
A CORUÑA

través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións, publicación que se tramitará como urgente.

Sétimo. Dar conta desta resolución á Xunta de Goberno.

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercer calquera outro recurso que se estime pertinente.

ANEXO - BASES REGULADORAS

BASES REGULADORAS ESPECÍFICAS DA VII EDICIÓN DOS PREMIOS PEL: PREMIOS ÁS MELLORES INICIATIVAS EMPRESARIAS DA PROVINCIA

As bases reguladoras da VII edición dos Premios do Plan de Emprego Local (PEL- EPR PREMIO 2025) axustaranse ao establecido nas Bases Xerais dos programas de subvencións da Deputación Provincial da Coruña 2025, publicadas no BOP número 190 do 2 de outubro de 2024, e ás disposicións específicas recollidas a continuación:

1. DENOMINACIÓN, FINANCIAMENTO E LIÑAS XERAIS DA TRAMITACIÓN

Denominación

Estas bases regulan a VII edición dos Premios PEL, que recoñecen ás Mellores Iniciativas Empresarias da Provincia da Coruña, no marco do Plan de Emprego Local (Liña 2.4. PEL-Emprende: incentivos á calidade e á innovación da idea empresarial).

Financiamento

Os Premios financiarase con cargo ao orzamento xeral da Deputación para o exercicio 2025 na aplicación orzamentaria 0520/24100/481.

Aplicación orzamentaria	Créditos dispoñibles
0520/24100/481	75.000,00 € *

*Este importe poderá ser obxecto de modificación orzamentaria.

Liñas xerais de tramitación

A tramitación telemática aplicarase a todas as fases do procedemento, incluíndo en cada unha delas as notificacións e comunicacións, os requirimentos de documentación e información, así como todo o necesario para tramitar as candidaturas.



DEPUTACIÓN PROVINCIAL
A CORUÑA

2. OBXECTO E FINALIDADE

As presentes bases teñen por obxecto regular a VII edición dos Premios PEL como recoñecemento ao esforzo e implicación das empresas da provincia no desenvolvemento económico, na creación de emprego e riqueza, contribuíndo á súa sustentabilidade, fomentando a cultura emprendedora e potenciando o rural.

A súa finalidade consiste en premiar as iniciativas e o traballo realizado polas empresas, dar visibilidade e poñer en valor aquelas iniciativas empresariais da provincia que impulsen cambios reais no ámbito socioeconómico e deixen a súa pegada no territorio.

3. CATEGORÍAS

As entidades que se postulen á VII edición dos Premios PEL deberán presentarse á primeira ou segunda categoría das seguintes:

1ª CATEGORÍA: Premio “Iniciativa emprendedora”

Dirixida a recoñecer a labor das pequenas e medianas empresas, microempresas e persoas autónomas que iniciaran a súa actividade empresarial nas anualidades 2023, 2024 ou 2025.

Esta categoría busca premiar aquelas iniciativas que destacan polo seu carácter innovador e pola súa capacidade de aportar valor engadido ao sector no que operan, xerando un impacto positivo tanto na economía local como na sociedade.

2ª CATEGORÍA: Premio “Traxectoria empresarial”

Destinada a recoñecer a labor das pequenas e medianas empresas, microempresas e persoas autónomas que comezasen a súa actividade empresarial durante a anualidade 2022 ou con anterioridade.

Esta categoría busca recoñecer a aquelas empresas que demostren un equilibrio entre o éxito económico e o compromiso coa sustentabilidade, fomentando o liderazgo empresarial con visión estratéxica, ética e responsabilidade social ao tempo que se apoia a referentes empresariais que sirvan de inspiración para o resto de empresas na procura dun crecemento equilibrado e sostible.

3ª CATEGORÍA A PROPOSTA DO XURADO: Premio “Proxección e innovación sostible”.

Adicionalmente a estas categorías, o Xurado outorgará un premio como recoñecemento a aquelas entidades, empresas ou persoas cuxa actividade teña xerado un impacto positivo significativo no desenvolvemento económico, social e ambiental da provincia.

Esta categoría busca destacar iniciativas que promovan a creación de emprego, a dinamización do tecido empresarial local e a mellora da calidade de vida da comunidade, fomentando a innovación, a cooperación e a sostibilidade como piares fundamentais do progreso provincial.

Ademais, con este recoñecemento, preténdese recoñecer aquelas empresas que teñan demostrado unha forte capacidade de innovación e de expansión, que se teñan expandido con éxito ou que se teñan adaptado ás novas necesidades do mercado, contribuíndo así a un crecemento sostible e á modernización do tecido produtivo.

Para postular as candidaturas a esta categoría, as persoas expertas integrante do xurado, deberán rexistrar as súas propostas na Sede Electrónica da Deputación da Coruña



DEPUTACIÓN PROVINCIAL
A CORUÑA

(<https://sede.dacoruna.gal/>) antes de que finalice o prazo xeral de presentación de candidaturas á VII edición dos Premios PEL.

O xurado deberá presentar unha ou varias propostas nas que se sinalen o seguinte:

- Presentación da empresa e o seu proxecto
- Impacto socioeconómico na Provincia
- Actuacións e/ou proxectos postos en marcha e a súa repercusión no rural
- Logros, recoñecementos e demais información destacable
- Ligazón a paxina web e/ou anexos de prensa.
-

4. CRITERIOS DE VALORACIÓN

As candidaturas serán avaliadas e puntuadas en función das memorias presentadas e dos criterios de valoración establecidos a continuación.



DEPUTACIÓN PROVINCIAL
A CORUÑA

CRITERIOS DE VALORACIÓN		
1ª CATEGORÍA: Premio “iniciativa emprendedora”		
Criterios a valorar	Valoraranse aspectos como	Puntuación máxima (100 puntos)
Idea de negocio	• A orixinalidade e creatividade do proxecto empresarial • A visibilidade • A diferenciación e o posicionamento da empresa respecto da competencia	ata 10 puntos
Viabilidade da empresa e potencial	• A madurez do proxecto-viabilidade • O potencial de crecemento	ata 10 puntos
Grao de innovación	• Incorporación de novas tecnoloxías, metodoloxías ou enfoques diferenciadores • Desenvolvemento de produtos, servizos e/ou procedementos innovadores	ata 20 puntos
Implantación de medidas de responsabilidade social empresarial	• Medidas implantadas en prol da igualdade • Medidas implantadas en prol do medio ambiente, prácticas sostibles • Inclusión social , medidas en prol das persoas con diversidade funcional. • Actuacións de voluntariado, de apoio á comunidade e ás ONG, colaboracións altruístas • O uso do galego como lingua vehicular nas súas comunicacións internas e externas	ata 20 puntos
Impacto no territorio e na sociedade	• Contribución ao desenvolvemento local e dinamización do tecido empresarial • Creación de emprego • O uso de espazos de coworking • Iniciativa liderada por persoa/s con diversidade funcional • Proxectos liderados por mulleres • Proxectos implantados en concellos de menos de 5.000 habitantes	ata 20 puntos
Adaptabilidade e resiliencia	• Capacidade da empresa para responder a retos e cambios do mercado	ata 15 puntos
Presentación da empresa	• Valorarase a presentación da empresa a través dun vídeo de candidatura no que se valorará: ◦ Claridade na descrición dos produtos/servizos que oferta ◦ Motivación da idea empresarial ◦ Motivos polos que a candidatura merece ser gañadora	ata 5 puntos



DEPUTACIÓN PROVINCIAL
A CORUÑA

CRITERIOS DE VALORACIÓN

1ª CATEGORÍA: Premio “iniciativa emprendedora”

Criterios a valorar	Valoraranse aspectos como	Puntuación máxima (100 puntos)
	- e demais aspectos destacables da candidatura ○ Creatividade do vídeo, o guión e a súa estrutura.	



DEPUTACIÓN PROVINCIAL
A CORUÑA

CRITERIOS DE VALORACIÓN
2ª CATEGORÍA: Premio “Traxectoria empresarial”

Criterios a valorar	Valoraranse aspectos como	Puntuación máxima (100 puntos)
Idea de negocio e percorrido empresarial	• A innovación e orixinalidade da idea de negocio • A traxectoria, consolidación e crecemento sostido • A xeración de emprego indefinido e a súa variación respecto do exercicio anterior • A súa capacidade de expansión, diversificación e internacionalización • A diferenciación e posicionamento da empresa respecto da competencia.	ata 35 puntos
Grao de innovación, dixitalización e internacionalización	• Accións de innovación e dixitalización levadas a cabo pola empresa no último ano e variación sobre o ano anterior • Patentes e propiedade industrial • Porcentaxe de vendas a través de comercio electrónico • Investimento en TIC, marketing dixital e redes sociais. • Melloras continuas en produtos, servizos ou procesos • Expansión a novos mercados e capacidade exportadora.	ata 35 puntos
Implantación de medidas de responsabilidade social empresarial e o seu impacto no territorio e na sociedade	• Medidas en prol do medioambiente. • Medidas implantadas en prol da igualdade de xénero • Medidas implantadas en prol da conciliación da vida laboral e familiar • Medidas implantadas en prol da dinamización rural e a loita contra o despoboamento. • Accións de formación levadas a cabo para as persoas empregadas • O uso e difusión da lingua galega como lingua vehicular da empresa tanto nas comunicacións internas como externas • O apoio económico ou doutra natureza na realización de proxectos da comunidade de carácter cultural, deportivo, benéfico, lúdico ou social • A presenza de mulleres na empresa • Iniciativa liderada por persoa/s con diversidade funcional	ata 20 puntos
Presentación da empresa	• Valorarase a presentación da empresa a través dun vídeo de candidatura no que se valorará: ◦ Claridade na descrición dos produtos/servizos que oferta ◦ Motivación da idea empresarial	ata 10 puntos



DEPUTACIÓN PROVINCIAL
A CORUÑA

CRITERIOS DE VALORACIÓN 2ª CATEGORÍA: Premio “Traxectoria empresarial”		
Criterios a valorar	Valoraranse aspectos como	Puntuación máxima (100 puntos)
	○ Motivos polos que a candidatura merece ser gañadora e demais aspectos destacables da candidatura ○ Creatividade do vídeo, o guión e a súa estrutura	

CRITERIOS DE VALORACIÓN 3ª CATEGORÍA a proposta do Xurado Premio “Proxección e innovación sostible”
Para a selección da entidade gañadora nesta categoría valorarase o perfil das entidades candidatas propostas polo xurado, independentemente do seu nivel de notoriedade, e teranse en consideración o seu traballo, a relevancia dos seus proxectos, o impacto socioeconómico xerado e o contexto no que estes se levan a cabo.

5.- CRITERIOS DE ELIXIBILIDADE DAS CANDIDATURAS

Os Premios PEL van dirixidos a pequenas, medianas empresas, microempresas, e persoas autónomas que cumpran os requisitos que se especifican a continuación:

- Ter o domicilio fiscal nun concello da provincia da Coruña.
- Ter exercicio económico continuado na actividade empresarial durante o período de tempo establecido na categoría á cal se presenta a candidatura:
 - **Para a 1ª categoría:** ter iniciado a actividade empresarial nas anualidades 2023, 2024 ou 2025, e sempre con anterioridade á data de finalización do prazo de presentación das candidaturas, e mantela ininterrompidamente desde a súa alta. Terase en conta a data de alta na actividade empresarial máis antiga que figure no Certificado de situación censual da Axencia Estatal de Administración Tributaria.
 - **Para a 2ª categoría:** ter iniciado a súa actividade empresarial durante a anualidade 2022 ou con anterioridade e mantela ininterrompidamente desde a súa alta. Terase en conta a data de alta na actividade empresarial máis antiga que figure no Certificado de situación censual da Axencia Estatal de Administración Tributaria.
- Atoparse ao corrente no cumprimento das súas obrigas coa Facenda Pública, coa Tesourería Xeral da Seguridade Social e coa Deputación da Coruña.
- Non ter concedidas ou solicitadas axudas por importe superior ao límite establecido polo réxime de minimis para o sector profesional ou empresarial no que desenvolve a actividade económica a entidade, nos 3 anos previos á data da convocatoria (2025, 2024, 2023 e 2022).
- **No caso de persoas físicas,** estar dadas de alta no Réxime Especial de Traballadores Autónomos (RETA) ou en calquera outro réxime especial por conta propia da Seguridade



DEPUTACIÓN PROVINCIAL
A CORUÑA

Social, ou como mutualista de colexio profesional con data anterior á finalización do prazo de presentación de candidaturas e sempre tendo en conta o requisito de antigüidade especificado en cada categoría:

- **Para a 1ª categoría:** alta no RETA, no colexio profesional ou mutualidade correspondente na anualidade 2023, 2024 ou 2025
- **Para a 2ª categoría:** alta no RETA, no colexio profesional ou mutualidade correspondente na anualidade 2022 ou anterior.
- **No caso de persoas xurídicas**, estar inscritas no Rexistro Mercantil ou rexistro público correspondente con data anterior á data de finalización do prazo de presentación de candidaturas e sempre tendo en conta o requisito de antigüidade especificado en cada categoría.
 - **Para a 1ª categoría:** inscrición no rexistro público correspondente na anualidade 2023, 2024 ou 2025
 - **Para a 2ª categoría:** inscrición no rexistro público correspondente anualidade 2022 ou anterior.

EXCLUSIÓNS

Non poderán ser entidades candidatas a estes premios as comunidades de bens ou calquera outro tipo de unidade económica ou patrimonio separado cartentes de personalidade xurídica propia. Tampouco poderán presentar candidaturas aeste premios as persoas autónomas colaboradoras.

Así mesmo, non se admitirán candidaturas presentadas por empresas gañadoras de edicións anteriores dos Premios PEL en ningunha das súas categorías, nin máis dunha candidatura por entidade.

6. PRESENTACIÓN E PRAZOS

6.1. Presentación

A mera presentación das candidaturas en tempo e forma suporá a súa aceptación no proceso de valoración e selección. Co fin de incentivar a utilización de medios electrónicos e no marco dos principios da Lei 11/2007, do 22 de xuño, de acceso electrónico dos cidadáns aos servizos públicos, as candidaturas presentaranse de forma telemática, a través da páxina web da plataforma de tramitación telemática de subvencións da Deputación Provincial da Coruña, SUBTeL: [https:// sede.dacoruna.gal/subtel/](https://sede.dacoruna.gal/subtel/).

A presentación de toda a documentación realizarase a través da dita plataforma e de xeito telemático. En todo caso, se terán por non presentadas aquelas candidaturas rexistradas en formato papel.



DEPUTACIÓN PROVINCIAL
A CORUÑA

No caso de que a Unidade Xestora, detecte calquera deficiencia na documentación achegada, realizará requirimento ao solicitante, para que a emende a través da plataforma SUBTeL, dispoñendo dun prazo de 10 días naturais para aceptar a notificación e 10 días hábiles desde esta aceptación para a corrección das deficiencias requiridas. No caso de que a persoa que presenta a candidatura non emende neste prazo, teráselle por desistida da súa candidatura.

Mediante resolución da Presidencia declararase o descarte daquelas candidaturas que non se axusten ao establecido nas bases ou que non teñan emendado as deficiencias no devandito prazo. Non axustarse aos termos desta convocatoria, así como a ocultación de datos, a súa alteración ou calquera outra manipulación da información será causa de desestimación da solicitude, sen prexuízo do disposto nos artigos 54 a 56 da Lei 9/2007, do 13 de xuño, de subvencións de Galicia.

6.2. Prazo de presentación de candidaturas

O prazo de presentación de candidaturas determinarase no anuncio de publicación da convocatoria do presente Premio no Boletín Oficial da Provincia, a través do Sistema Nacional de Publicación de Subvencións.

6.3. Prazo de resolución e concesión

O prazo máximo para resolver será de 9 meses a contar desde o día de publicación da convocatoria no Boletín Oficial da Provincia, de acordo co artigo 23.4 da Lei 9/2007, do 13 de xuño, de subvencións de Galicia.

7. DESENVOLVEMENTO DO PROCESO DE SELECCIÓN DAS INICIATIVAS GAÑADORAS

7.1. Avaliación técnica e preselección de candidaturas

Todas as candidaturas elixibles serán en primeira instancia avaliadas por unha Comisión de Avaliación integrada por persoal técnico do Plan de Emprego Local da Deputación da Coruña.

Esta Comisión encargarse de analizar o perfil das candidaturas e de escoller a 10 finalistas por categoría, tendo en conta os criterios de valoración establecidos.

A Comisión de Avaliación comprobará a información sinalada nas candidaturas, así como o cumprimento dos criterios de elixibilidade e elaborará un informe técnico con toda a información necesaria para a valoración individual de cada candidatura por parte do Xurado.

7.2. Selección de finalistas

Tras esta preselección, as 10 candidaturas finalistas de cada categoría serán remitidas a un Xurado de persoas expertas, conformado por profesionais de diferentes campos relacionados cos ámbitos da empresa, o emprendemento e a innovación. O Xurado estará conformado por:

- Dúas persoas representantes da Deputación da Coruña o Presidente da entidade provincial e o Xefe do Servizo de Desenvolvemento Territorial e Transición Ecolóxica.
- Dúas persoas representantes das Cámaras de Comercio do ámbito territorial da provincia da Coruña.



DEPUTACIÓN PROVINCIAL
A CORUÑA

- Dúas persoas representantes do ámbito universitario da provincia da Coruña vinculado aos eidos da empresa e da innovación.
- Unha persoa representante de asociación de empresarios/as con presenza na provincia da Coruña
- Unha persoa representante de empresarios/as relacionados coa economía social con presenza na provincia da Coruña.
- Un/a empresario/a con dilatada experiencia no campo empresarial na provincia da Coruña.

A composición do xurado e a designación dos seus membros/as será aprobada por Resolución da Presidencia. As persoas que forman parte do xurado percibirán os honorarios establecidos nas Bases de execución do orzamento da Deputación da Coruña 2025.

O Presidente da Deputación da Coruña ostentará a Presidencia do xurado con voz pero sen voto. En caso de ausencia deste, a Presidencia será exercida polo membro de maior idade do xurado. Así mesmo, por delegación da Secretaría Xeral, o Xefe do Servizo de Desenvolvemento Territorial e Transición Ecolóxica exercerá a secretaría do xurado.

As persoas que integren o xurado estarán sometidas ao deber de abstención nos casos sinalados no artigo 23 da lei 40/2015, do 1 de outubro, de réxime xurídico do sector público.

Para o nomeamento do xurado respectarase a presenza equilibrada de mulleres e homes, en cumprimento do disposto no artigo 70 da Lei 7/2023, do 30 de novembro, para a igualdade efectiva de mulleres e homes de Galicia.

O xurado reunirse co obxecto de deliberar e poñer en común as puntuacións outorgadas a cada unha das candidaturas presentadas ás dúas primeiras categorías.

A puntuación de cada memoria consistirá no promedio das valoracións emitidas polo xurado excluindo do cómputo a maior e a menor puntuación. A puntuación final da candidatura será a media aritmética das restantes puntuacións.

Unha vez valorada a totalidade de candidaturas establecerase unha prelación entre elas.

No caso de que varias candidaturas obtiveran a mesma puntuación final e que, ademais, esta fose a puntuación máis elevada da categoría, efectuarase unha votación entre as candidaturas empatadas.

Ademais, os distintos membros do xurado presentarán propostas de empresas que consideren merecedoras do premio **“Proxección e Innovación sostible”** e elixirán a gañadora desta categoría por consenso tendo en conta os criterios na base 4.

7.3. Concesión excepcional de accésits e declaración de premios desertos

- No caso de que o Xurado considere que algunha empresa que non chegou a obter o PREMIO en calquera das tres categorías, e teña demostrado méritos destacados, poderán outorgar ata tres accesits por valor de 5.000 euros brutos cada un.
- No caso excepcional de que as candidaturas non acadasen o nivel desexado, o xurado poderá acordar deixar o premio deserto.

7.4. Acto de entrega de premios



DEPUTACIÓN PROVINCIAL
A CORUÑA

As entidades gañadoras daranse a coñecer nun acto de entrega de galardóns organizado pola entidade provincial no que poderán ser reproducidos publicamente os vídeos presentados por estas.

A concesión do premio realizarase mediante Resolución da Presidencia a proposta motivada do xurado. A Resolución de concesión será publicada no Boletín Oficial da Provincia e na Base de Datos Nacional de Subvencións, co que se entenderá notificada aos interesados, de acordo co establecido no artigo 45 da Lei 39/2015, do procedemento administrativo común das administracións públicas. O premio considerarase aceptado tras a aceptación da notificación da resolución de concesión.

No suposto excepcional de que as empresas gañadoras renunciaran ao premio, a candidatura que se atopa na seguinte posición pasaría a ocupar o seu lugar e así sucesivamente, no caso de acontecerse múltiples renuncias sucesivas.

8. CONTÍA

A contía do premio de cada un dos primeiros clasificados de cada categoría será de **20.000 euros**.

No caso de que o Xurado decida a conveniencia de outorgar algún dos tres accesits máximos posibles, cada un deles estará dotado de **5.000 euros**.

Sobre estas contías realizaranse as retencións correspondentes do ordenamento tributario regulador do Imposto sobre a Renda das Persoas Físicas (IRPF) ou do Imposto de Sociedades (IS).

9. PAGAMENTO

O premio concedido farase efectivo nun único pago logo da presentación por parte das entidades gañadoras da documentación que figura no Anexo I Documentación

10. COMPROMISOS E OBRIGAS

Son obrigas dos/as candidatos, entre outras, as seguintes:

- Cumprir os requisitos indicados nas presentes bases reguladoras.
- Someterse ás actuacións de comprobación que poida efectuar a Deputación da Coruña, así como facilitar os datos que se lles requiran en relación á concesión do premio.
- Comunicar calquera modificación que afecte á candidatura inicial realizada.
- Entregar á Deputación da Coruña nos prazos previstos toda a documentación requirida nas presentes bases.
- Prestar o seu consentimento ao tratamento de datos de carácter persoal e a súa publicación de acordo coa lexislación vixente en materia de protección de datos de carácter persoal.
- No caso de resultar candidatura gañadora, realizar difusión do Premio outorgado pola Deputación da Coruña na páxina web corporativa.

11. PROPIEDAD INDUSTRIAL E INTELECTUAL



DEPUTACIÓN PROVINCIAL
A CORUÑA

As empresas e persoas autónomas finalistas deberán garantir absoluto respecto aos dereitos da propiedade intelectual e industrial de terceiros. Neste sentido, deberán declarar que é titular de todos os dereitos de propiedade intelectual e industrial que lle puideran corresponder, eximindo á Deputación da Coruña de calquera tipo de controversia, disputa ou litixio que poida derivarse da selección e explotación da candidatura presentada.

12. ACEPTACIÓN DAS BASES E PROTECCIÓN DE DATOS DE CARÁCTER PERSOAL

As persoas representantes das entidades candidatas consenten que os datos do seu expediente queden incorporados aos ficheiros informáticos da Deputación da Coruña. Os datos persoais recollidos serán incorporados e tratados en ficheiros cuxa finalidade é conter os datos das persoas que participan nos programas financiados pola Deputación, inscritos na Axencia Española de Protección de Datos e poderán ser incluídos na páxina web. O órgano responsable do ficheiro é a Deputación provincial da Coruña e a dirección onde a persoa interesada poderá exercer os dereitos de acceso, rectificación, cancelación e oposición perante a mesma é a Avda. Porto, núm. 2, 15003 A Coruña, todo o cal se informa en cumprimento do disposto nos artigos 14, 15, 16, 17 e 18 da Lei Orgánica 3/2018, do 5 de decembro, de Protección de Datos Persoais e garantía dos dereitos dixitais.

Igualmente, as persoas representantes das entidades candidatas consenten a utilización por parte da entidade provincial, da súa imaxe corporativa, nome completo e vídeo de candidatura en calquera tipo de publicidade, promoción, publicación ou calquera outro medio de difusión, da natureza que fose, con fins informativos ou promocionais sempre que exista relación cos Premios PEL.

ANEXO I: DOCUMENTACIÓN

DOCUMENTACIÓN DA CANDIDATURA

Para a participación na convocatoria en calquera das dúas categorías, deberase presentar a seguinte documentación obrigatoria:

- **Memoria de candidatura** segundo o modelo descargable na plataforma SUBTeL (máx. 7 páxinas). (non se admitirán memorias que non se adapten ao formato descargable en SUBTeL.)
 - Na memoria deberá incluírse, con carácter obrigatorio, o **enlace a un vídeo de candidatura**, aloxado en calquera plataforma dixital de reprodución de vídeo ou na propia web corporativa, gravado en formato horizontal, cunha resolución mínima de 1080 píxeles (sendo recomendable unha superior de 4K) e de duración non superior a 2 minutos.
- **Certificado de situación censual actualizado**, expedido pola Axencia Estatal da Administración Tributaria
- **No caso de empresarios/as individuais** informe da vida laboral actualizado expedido pola Tesourería Xeral da Seguridade Social onde figure a data de alta no RETA, colexio ou mutualidade correspondente
- **No caso de microempresas, pequenas e medianas empresas**, a escritura de constitución da entidade e as súas modificacións ou variacións posteriores no caso de que as houbera, ou calquera outro documento análogo no que figuren os estatutos,



DEPUTACIÓN PROVINCIAL
A CORUÑA

estipulacións ou contratos privados, así como a súa inscrición no rexistro público correspondente

- **Declaración das axudas recibidas en réxime de minimis**
- **Certificacións das administracións tributarias correspondentes e da Tesourería da Seguridade Social** nas que se acredite que a entidade está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que autorice expresamente na Plataforma SUBTEL a consultas tributarias e non se opoña á consulta destes datos

Non se terán por presentados o anexo de memoria de candidatura nin a documentación en formato papel, nin fóra do prazo de presentación establecido na convocatoria, constituíndo a súa presentación en tempo e forma un requisito esencial do procedemento, cuxa ausencia non poderá ser emendada.

No caso de que a memoria presentada exceda esta extensión non se valorarán as páxinas que nela figuren a partir da oitava, esta incluída. Exclúense do cómputo as páxinas que complementen a memoria, como os índices, as portadas e os anexos.

DOCUMENTACIÓN DA XUSTIFICACIÓN

- Modelo de designación de conta bancaria para incluír no Rexistro de terceiros para os efectos de domiciliación dos pagos na Deputación da Coruña.
- Certificado acreditativo da titularidade da conta emitido (e asinado electrónicamente) pola entidade bancaria correspondente.
- Documentación gráfica da difusión realizada do Premio na páxina web corporativa

ANEXO - EXTRACTO DA CONVOCATORIA

GALEGO

Primeiro. Persoas beneficiarias

Pequenas e medianas empresas, microempresas e persoas autónomas con domicilio fiscal nun concello da provincia da Coruña

Segundo. Obxecto

As presentes bases teñen por obxecto regular a VII edición dos Premios PEL como recoñecemento ao esforzo e implicación das empresas da provincia no desenvolvemento económico, na creación de emprego e riqueza, contribuíndo á súa sustentabilidade, fomentando a cultura emprendedora e potenciando o rural.

Terceiro. Bases reguladoras

A presente convocatoria rexerase polas Bases reguladoras publicadas no BOP.

Cuarto. Contía

A contía do premio de cada un dos primeiros clasificados de cada categoría será de 20.000 euros. No caso de que o Xurado decida a conveniencia de outorgar algún dos tres accesits máximos posibles, cada un deles estará dotado de 5.000 euros. Sobre estas contías realizaranse as



DEPUTACIÓN PROVINCIAL
A CORUÑA

retencións correspondentes do ordenamento tributario regulador do Imposto sobre a Renda das Persoas Físicas (IRPF) ou do Imposto de Sociedades (IS).

Estes importes faranse con cargo á partida 0520/24100/481 do Orzamento ordinario da Deputación Provincial da Coruña para 2025.

Quinto. Prazo de presentación de solicitudes

O prazo de solicitude iniciárase ao día seguinte da publicación da convocatoria ás 09:00 horas, e finalizará ás 14:00 horas do día 16 de maio,

Sexto. Outros datos de interese

Tanto a presentación de candidaturas como o resto da tramitación da presente convocatoria, realizarase por vía telemática a través da plataforma SUBTeL, accesible desde a sede electrónica da Deputación Provincial da Coruña <https://sede.dacoruna.gal/subtel/>

CASTELLANO

Primero. Persoas beneficiarias

Pequeñas y medianas empresas, microempresas y personas autónomas con domicilio fiscal en un ayuntamiento de la provincia de A Coruña.

Segundo. Objeto

Las presentes bases tienen por objeto regular a VII edición de los Premios PEL como reconocimiento

al esfuerzo e implicación de las empresas de la provincia en el desarrollo económico, en la creación de empleo y riqueza, contribuyendo a su sostenibilidad, fomentando la cultura emprendedora y potenciando el rural.

Tercero. Bases reguladoras

La presente convocatoria se regirá por las Bases reguladoras publicadas en el BOP.

Cuarto. Cuantía

La cuantía del premio de cada uno de los primeros clasificados de cada categoría será de 20.000 euros. En caso de que el Jurado decida la conveniencia de otorgar alguno de los tres accesits máximos posibles, cada uno de ellos estará dotado de 5.000 euros. Sobre estas cuantías se realizarán las retenciones correspondientes del ordenamiento tributario regulador del Impuesto sobre la Renta de las Personas Físicas (IRPF) o del Impuesto de Sociedades (IS).

Estos importes se harán con cargo a la partida 0520/24100/481 del Presupuesto común de la Diputación provincial de A Coruña para 2025.

Quinto. Plazo de presentación de solicitudes

El plazo de presentación de solicitudes se iniciará al día siguiente de la publicación de la convocatoria a las 09:00 horas, y finalizará a las 14:00 horas del día 16 de mayo.

Sexto. Otros datos de interés

Tanto la presentación de candidaturas como el resto de la tramitación de la presente convocatoria, se realizará por vía telemática a través de la plataforma SUBTEL, accesible desde la sede electrónica de la Diputación provincial de A Coruña <https://sede.dacoruna.gal/subtel/>